

BAKURUBASANNI


(nîmôrô 12 songs)

Mali kônc = Dôrômô 300

Afrikâ kônc = Dôrômô 600

Jamana wêre = Dôrômô 1000

Zuluyekalo san 2002



Kunnafonissem bota kalo o kalo. BP: 24 Telefoni : 221-21-04. Bozola Bamako-Mali. San 30nan boko 366nan A songo : dôrômô 15

Mahamari Umaru Mayiga semudete némogo kura

San 2002 zuluyekalo tile 22, tñsigi kërennen dç ye Mahamari Umaru Mayiga sugandi k'a ke Semudete némogo ye.


Mahamari Umaru Mayiga bangera san 1939 Guruma Rarusi (Gawo marala). Inzeniyeri don sojo ni siraba baaraw la. A tun be sëgenlafinébo la. Mahamani Umaru kera sôrokow ni warikow minisiri ye, k'a ta san 1992 la ka t'a bila san 1993 la fanga sabanan goférénaman fôlo la. A kera «BIMI SA» banki ka tñsigi némogo ye k'a ta san



1994laka se san 1999 ma. A furulen don; den segin b'a fe. Mahamari Umaru Mayiga bëna semudete la ka soro geleyaba bë yen. San 2000 a binna ni sefawari miliyari 23,1 ye; san 2001 ta kera sefawari miliyari 2,4 ye. Némogo koro n'o ye Bakari Taraweleye, n'o tun be némogoya la kabini san 2000 zanwiyekalo la, ale ye semudete geleyaw nefs némogo kura ye. A da sera wariko geleya ma min sababu bora koorifu donnini lasumayali la ani koori songo dögoya, ani sanjikogéléya min be dankari san 2002/2003 kanpari soro la. An be don min na i ko bi baarakela minnu be baaraké kudayi semudete la olu ye 2.401 ye; sanga ni sanga baarakelaw ye 2.686 ye. Semudete bë son ka bila kenyereye bolo kan ka baarakela camanbila. Mogo caman y'a miiri ko Mahamari Umaru Mayiga sugandili bëna Banki mondiali ka hakilina teliya n'o ye semudete bilali ye kenyereye ka bolo kan.

Badama Dukure

Bulonba kura depitew



Yelimane, Jema, Segu, Duwanza, Gundamu, Nafunke, Buremu, Kidali, Abeyibara ani Bamako komini 4nan depitew sugandira kabini wote siñé fôlo san 2002 zuluyekalo tile 14. Wotew bôr'ama Tinesako, Kidali seritili la filiw ni nanbaraw cayara yôrô min na. U dama wote bëna ke kalo saba nataw kônc.

Woteko filanan kera yôrô tòw la san 2002 zuluyekalo tile 28. Bulonba kura depitew tçgaw be soro ne 6 nan ni ne 7 nan na.

KONOKO

Yundogu dñfoukéle, san duuru laaboloba	ne 2
Ois di Niger ka Galya, Peresidan ATT bekolo bë jamana kokan	ne 3
Bamako ni Narena siraba baaraké daminé	ne 4
Sidako lajeba 14nan	ne 5
Samatasédekkaramogokura ni kunnatonidilaw ka kumanogonya	ne 10
Kore ni Zapor vulka jarew bo	ne 10
D'mi nolitanbanaran (KUPUDIMOND)	ne 11
Nolitan kububa kbaruyaw	ne 12

Yuruguyurugu kéléli san duuru taaboloba

Peresidan Amadu Tumani Ture ye baarada mogowbisimila, baarada min nesinnen don forobabaaradaw kôlosili ma. A y'a jir'u la k'a ye min fojama na kanpani waati la o ye yuruguyurugu ni nafolo tijen'i kéléli ye. Wa k'o kuma te ke kuma gansan ye ten.

Yuruguyurugu kéléli be ke foroba baaradaw dôye. Peresidan t'a fe ka jo sira la nin kélé in na. A ko mogô si te sariya sanfela la. Ko politikisira te mogô si kisi walima ko nbalima do be sanfela la, o si t'a la tugun. Ko yuruguyurugu kéléli b'a damine sanfe ka jigin duguma, ka yorow be furank'u je.

Walasa ka kélé in sabati Amadu Tumani Ture ye yamaruya dôw di, i n'a fo foroba baaradenw kôlosili baarada kurakurayali.

Peresidan y'a nini minisirisow ni jekuluw fe ko lajini minnu tara k'u segeré, u k'a bëe b'a sira fe. Ko kalo fila be di segesegelikelaw ma, u'uka baaraké k'a fori ka nangitaw nangi ani ka jaabiw di u nemogow ma n'o te u yere be nangi. A ko tile 15 kono, minisirisow segesegeli baaraw ka d'a yere ma. A ko wari do ka bila segesegelikelaw ka bolokan ani ka to k'u kalan walasa u ka baaraw be sabati. U bolo be bo baara tow la walasa u k'u nesin u ka baara dôron ma. Peresidan y'a jira segesegelikelaw la k'u joyoro ka bon faso ka soroko la. U ka kan k'u seko bëe ke baara in na; bagabagali man kan k'u lasiran.

Yamaruya dira minisiri nemogow ma a ka baara ninnu damine; se be ke banki monjali fana ka konew ma ani kenyereye dôw.

Peresidan y'a jira fana ko biro do kan ka sigi min be fesefeseli ke, n'a be yuruguyurugu bëe kalama. Ko nafolo lakanali ka kan ka k'an tabolo do ye. I n'a fo yuruguyurugu kéléli te se ka taa ni mogoya ma don hadamadenw ka dijelatige la, peresidan b'a ka nisongoya jira fenw songow geleyalila

i n'a fo sukaro, sumanw sogo ani kuran ni ji songocayali ni dufakonotelefonni cisara yeleli. A ko bëe k'i seko ke walasa yuruguyurugu be ban.

«KASIKÀ» ye ciyakeda ye mogô wolowula be min na n'a ka kan ka segesegelikelaw ka seben fesefesel, seben min be ci peresidan ma. A sigira sen kan san 2000 nowanburukalo la. A be laadilikan dow di peresidan ma nafolo lakanali siratige la.

«KASIKÀ» bilara ciyakeda do nona, min ka baara nesinnen tun don forobabaaradaw ka seben fesefeseli ma. O ciyakeda tun sigira sen kan san 1999 okutoburukalo la. A tun ninina ciyakeda in fe a ka peresidan deme ka segesegelikelaw ka seben laje ani jaabi minnu b'u la k'olu di. Peresidan do fana tun b'o ciyakeda kunna, ka mogô ke mogô 7 ye.

Berema Dunbiya
Dadama Dukure

Kiritigelaw y'u feta fo

Depitesoba kelen k'a jira k'a te sutura birifini bo Mamadu Jawara ni Naga Tenbeli kan, kiiritigelaw ka jekulu y'a jira seben in kono ko sariyasunba ka sariyakise 62nan b'a fo ko wajibi te bulonba ka segin a ka folen kan. Kiiritigelaw fe n'i homineno o b'a jira ko somi kemen d'i la; o tuma i ka kan ka kiiri a ne ma. Kiiritigelaw y'a jira ko bulonba y'a foli min ke kô somi te mogô hominekun bo, o b'a jira ko bulonba te sariya don.

Jekulu in hakili jigin ke mogô dôw ta la sutura birifini wulila ka bo minnu kan kun na min te mogô fila kofolenw ta bo; wa ko ni ninnu ka depiteya banna, u be kiiri kiiritigelaw fe.

Kiiritigelaw y'a jira ko fanga bëe n'a bolisira don, ko bulonba ka kuma minnu be dig'ula. Jekulu in y'a k'a t'a fe fangaw ka nagamin nogn na. Wa k'ale têna sigi nin ko koro.

Badama Dukure.

Sanji ye tijen'i ke Gundamu, Nafunke ani Ararusi

San 2002 zuluyekalo kalo tile 26 su k'a dugue tile 27 la sanjiba jiginna Tonbukutu mara kan ka tijenibaw ke, ka hadamadenw ni t'a la. A juguyara kosebe Gundamu, Nafunke ani Ararusi.

Sanji cayara kosebe Gundamu, a sera milimetere 190 ma; mogô fila ntanyara; kelen joginna; yoro caman binna. Tuma min na faamaw ladonniyara, u ye mogô dôw bila ka ta yen, ka tijeniw hake dôn ani ka deme don mogow la. Jamana nemogô ni goferenaman ye sankafoli ke ka taa banbagatow ka somogow ma ani foli ka nesin kasaaratow ma Tonbukutu mara kono. Goferenaman ye nin naniyaw siri; ka mogow wuli minnu nemogoya be kana ni basigi minisiribolo ka taa faso ka deme don kasaaratow la : balo toni 210 dili kasaaratow ma, k'u son birifiniw ni tantanw la, u mago be deme min na k'o sidon.

Badama Dukure

Sikaso: Tijen'i fîneba

Fîneba do wulila Sikaso dugu kono ntenendon zuluyekalo tile 22 ka tijenibaw ke sobaw la ani feereliyoro la, ka fara kuranmayorow kan. Hali ni mogô ni ma t'a la fîneba in kera a dama fîneye, ka d'a barika bonne kan an'a kuntaala.

Fîneba in ma teme sanga 5 kan; a wulila dugu cemance la. Jiri minnu be siraba nimoro 7 dafela la ani soba min be wele ko «Sikasuwazi» ani Sikaso jama lajereyoro, o jiribolow dôw farala; dôw yere ju bora. «Bari losiyo «kogow binna ; a ye baarada dô toliw wuli. Kenyereye arajow Sika «EfEMU «ni «badenya» antenni karila. A ye suguba turu a kun kan, ka gaw kari ani feerekoyoro, ka kuran juruw tije. Metewo «nemogô Mori Keyita kosanji milimetere 22,1 minnana fîne in senfe, ko ninan u m'o nogn sanji caman sorô folo. Ka sorô Sikaso delilen don sanji milimetere 70 ni 80 na ka koro.

Fuseni Jabate
Badama Dukure

Ofisi di Niger ka Gelyaw

Dunkafa sabatili ye Amadu Tumani Ture ka goferenaman fôlô ka haminankow fanba dô ye. Peresidan ye hakilijigin k'o la a ni goferenaman mogow ka nogonye senfe, ka fara maraw kuntigi kan ani yorow kuntigw minnu joyoro ka bon ko in na. Kolosili fôlô min kera o ye ko balo

songo cayara. O wale in ka gelen sabu an be samiye la; songo gelyaya in sababu be balo haké dôgoyali la wa suman kuraw fana yoro ka jan. Walasa dô be se ka bo gelyaya in na peresidan tun y'a nini goferenaman fe, a ka feew siri; ka balo songo bin. Odeko sôntogodaw yiriwali ni sigidaw minisiri ye taama ke ka taa Ofisi di

Peresidan ATT boko fôlô jamana kokan



Libi peresidan ka deme ma kôtige Mali la abada

Zuluyekalo damine na peresidan ATT ye taama ke ka taa Dakar, Senegali jamana kan ani Siriti Libi jamana kan, ani Name Nizeri jamana kan.

A boko fôlô jamana kokan ATT y'a naniya ka taa foli bil'a teri dow la i n'a fô Senegali ni «CEDEAO» ni «UEMOA» nemogoya be min bolo ani Libi peresidan min ka deme ma kôtige Mali la abada ani Mamadu Tanja n'o ye Nizeri peresidan ye, walasa k'a jira ko Mali ni Nizeri ye jamana kelen ye kabini lawale la.

ATT sera nin jamana fen o fen na laseli kera fan fila fe min b'a jira ko jamanaw tun ye kelen ye, ko dô bêna far'o kelenya kan.

Siriti dugu kôno peresidan fila da sera porozew ma minnu b'an ka jamana kôno, n'u ni deme ka kan. Olu la dumanjiginyoroba be yen n'u k'a ma «Otsli di Lamitiye» ani Senari «CNAR» ani «SONATAM», ka fara yeelenko kan ani goferenaman ka

ciyakedabaw ani izini werew. Ka fara ninnu kan Amadu Tumani Ture da sera Mali ni Libi ce juruko ma ani jitayoro 200 ani Gavo - Kidali - Buresa ce siraba ani Nôô - Nanpala - Lere ce siraba.

Peresidan ye libikaw ka deme nini sisikurunko siratige la.

A taato Tiripoli peresidan ye baara do ke Senegalijamana kan. Senegalisen be sisikurunko baaraw la n'o ye te enko baaraw ye, Ofisi di Nizeri malo fana ko b'a ye.

Nin hakilina kelenw de y'a to peresidan nato taara Nizeri jamana kan. An ka maliden minnu be Nizeri bere tu je mogô 100.000 la. A n'olu ye nogonye do ke Mali ka netaa baaraw kan. Peresidan ye layidu ta ko goferenaman b'a hakili to kokan malidenw na, wa k'u sen be don faso baaraw la.

Bakari Kulubali
Badama Dukure

Nizerila. Seyidu Tarawele taara nedâ MBewani baarada fana kan Ofisi di Nizeri kono. Minisiri ni yoro ninnu mogow ye sigikafo ke, ka minisiri ladonniya gelyaw bee la.

Yoro in lahalaya gelyaya dugukolontanya, ani warintanya ani binjugu forow koro ani kono ni jilabannaw nefora yoro nemaa fe n'o ye Yusufa Keyita ye. Ale y'a jira ko Ofisi di Nizeri bêna malo toni 24.000 bila sugu la walasa ka songow jigin. Ajirala kosorodaw bonyera k'a sababu ke malo seneko fila ye ani nakosene anibaganw cayali ni monni ni jégelamô barikali ye. Yusufa Keyita y'a jira ko toni 376.187 soro la malo la san 2001 /2002 kanpani senfe; senekofilan na toni 24.000 ka kan ka soro.

Gelyaw la kunbaba kera yorow labenni kalan bancogo de ye. O la Ofisi y'a nini minisiri fe a k'a seko ke Faransi yiriwali ciyakeda kerefe walasa u be se ka nogoya don kalan in banni na.


Gelyaya were min be Ofisi kan o ye ka se ka seneyoro di mogow caman ma. Wari te laboli ke ka se ka yorow laben ka di mogow ma. O yoro la senekelaw ko yorow ka dogon. Mogow y'o yoro fo kosebe NBewani senedâ la ani nogoko. U ye goferenaman ka deme nini o yoro la, a n'a nogonnaw.

Minisiri kelen ka lakoliso kura laje ani nako minnu labenna «AJETIYE» fe ani ciyakeda in mogow ye nogon ye; ciyakeda nema Cekura Kulubali ye seriusi sigikun n'a ka baaraw nefo. Ciyakeda in nesinnen don forobaba raw ma nafa be minnu na. Minisiri be tementuman minciyakeda in tun ye baaraw soro minnu wari be se sefawari miliyari 8 ni miliyon 700 ni ko ma.

Seyidu Tarawele ye ciyakeda in fo kosebe sabu u sigituma ma men folo (mariskalo tile 22), u ye nin nafolo caman in baaraw ke. Min b'a jira ko ciyakeda in baarakcogo ka ni. A y'a nini ciyakeda tow fe u k'u nemada ciyakeda in fe.

Moriba Kulubali
Badama Dukure

Bamakoni Narena siraba baaraw daminena



Baaraw be ban kalo 24 nataw kono

Minenkow ni jamana lamini labenni minisiri Lanseni Keyita ye Bamako ni Narena siraba baaraw daminena kuronbokari siraba nin be dilan ka fere k'a gudorōn girinya ben santimetere duuru ma; sira janya ye kilometere 92 ye; a fiye metere 7 ye. Poroze in be poroze do kadara kono min be Mali ni Lagine bolo, n'a ka kan ka Kankan ni Sigiri, Kuremale ni Bamakosirabawdilan ni demebagaw ka deme ye. Poroze in tilalen don 6 ye.; fila be Mali la, 4 be Lagine. Mali ka fila ye Bamako ni Narena ani Kuremale ni Narena (kilometere 37); nin siraba wari sorola; a to tora ka ciyakeda sugandi min b'a baaraw ke. Bamako ni Narena siraba b'a daminebabili «Fadi» la ka taa Narena boda la. Bamako dugu kono siraba in be Jikorōnin Para ni Sebenikoro ceci ani Kulukoro mara dugu caman i n'a fo Sibi. Pōn duuru be jo siraba in kan, mobiliyoyorowani kurubow dugu kelen kelen be boda la siraba in be minnu ceci. «Fadi» be sefawari miliyari 17,3 don a da fe; kemesarada la 63,75 ; «BOADI» ta ye kemesarada la 27,93 ye; goferenaman ta ye kemesarada la 8,32 ye. Tinizi ciyakedaba «ETEPU» b'a baaraw ke; a be ban kalo 24 nataw kono.

Siraba in dilanni baraw daminena Lagine minisiri Seku Dalen Jalo jena, min jesinnen baaraw ma ani taransiporikow. Sira in nafa ka bon Mali kan sabu a bëna ke sababu ye ka falenfalen don Mali ni Lagine pori ce. Bamako ni Lagine pori ye kilometere 980 ye. Siraba in si kuntaala ka jan; a diyara Narenakaw ye kosebe.

U ka meri Nuhum Tarawele y'u ka hakilina jira, nka a ye fen damadow jini. Aye Mandesiraba filanan dilanni jini, siraba min be temen Kangaba fe ani kuran laseli duguw la minnu be Bamako ni Narena siraba kere fe; a ko Narenakaw b'u janto siraba in na. O ma minisiri bali k'a fo ko bee ki janto siraba in n'a lamini na, a ko jiriw be turu siraba kerefelaw la. Minisiri y'a ka nisondiya sabu narenaka don. A y'a jira ko sorø yiriwali be temen siraba yiriwali fe. Lagine minisiri y'a jira ko nin siraba in dilanni ben'a Mali ni Lagine cF taama sabati ka t'a fe. A ko Kankan ni Kuremale ce siraba dilanni min daminena okutoburukalo la. K'obena banherela. K'akajamana b'a jant'o la kosebe. O kura diyara Narenakaw ye kosebe.

Mamadu Kaba
Badama Dukure

Amerikilasigidenso bëna yelema «ASEYI2000» la

Ni kow bɔr'u sira fe, san saba kono, Ameriki lasigidenso bëna yelema «ASEYI 2000» la. Ameriki lasigiden Mikayeli Arameberize de ye kuma in fo yɔrɔ soroli jenajew senfe. Kene in kan Lanseni Keyita tun be yen n'o ye minisiri ye min jesinnen don minenkow ma ani jamana lamini labenni ani dugubakow ma, ka fara jamana ka yɔrɔ ni dugukolokow minisiriso sebenjenabola kan n'o ye Mamadu Baba Tarawele ye ani Bamako jemaaw.

Yɔrɔ in bojé ye tari 6 ye; a sanna «ASEYI» fe sefawari miliyari'kelen ni tila. Lasigidenso be jo ka fara amerikenw ka ciyakedaba werë kan ani amerikenw ka goferenaman ka baarada werëw musakaw be se sefawari miliyari 54 ma. Wari in be ke sababu ye yɔrɔ in ka fara jamana yɔrɔbaw kan.

Yɔrɔ in labenw ko be senna kabini san 1996; a kerenerenna an ka faamaw fe. O de kama yɔrɔ numanbaw be yen i n'a fo minisirisow dagayorow ani goferenaman ka yɔrɔbaw ani demelijekuluw ka yɔrɔw, i n'a fo Mamadu baba Tarawele y'a fo cogo min na. Mikayeli Arameberize ko yɔrɔ kura in be dayels jama ye. Jøgøyesoba dob'ala, ka fara donkow so kan ani yɔrɔ caman werëw minnu bëna jama bisimila. Mamadu Baba Tarawele ka fo la, ale min ye sefawari miliyari kelen ni miliyon keme wooro ni ko warisèben minne, yɔrɔ in bëna ke sababu ka do fara lamini cene kan.

Bakari Kulubali
Badama Dukure

Yere faga be ka caya ka t'a fe.

Mogo miliyon kelen b'u yerefaga san o sandijé kono i n'a fo dijé seleke naani kenyako tonba y'a jira kosa in na cogoya min na. Do be fara nin wale kan ka t'a fe (a be se ka se mogo miliyon kelen ni ba keme 5 ma san 2020). A ka ca setigijamanaw ka denmisénw de la kosebe. Faransi jamana kan mogo 15.000 ka se 20.000 ma, olu b'u yerefaga san o san.

SIDA : Djnewulibana

An be don min na i ko bi sida koso si te temen san 46 kan farafinna sahara woroduguyanfanfe, i n'a fo sida lajeba 14 nan y'a jira cogo min na, min kera Bariseloni Esipani jamana kan.

Farafin jamana duuru be ye minnu konomogow bena dogoya; o koro ye ko saya min be ke, o wololi te ke, jamana ninnu ye Botisiwana, Mozanbiki, Lesoto, Siwazilandia Afiriki-Di-Sidi. Zinbawe ni Namibi la fosi te fara o mogow kan. Bositiwana kono n'i ye adamaden kemesigi ib'a sorosida be 58,6 la. Yen mogow si te temen san 39. Nkan ni sida te si ka kan ka se 72 ma.

K'a sababu ke sida kunben baliya ye ani jama furakeli yanni 2020 ka se farafin miliyon 5 be faga sida fe, i n'a fo «ONUSIDA» sebenba ya jira cogo min na zuluyekalo la san 2002. Farafinna si te temen san 47 kan; ka sorosidat 62 ma.

Sida be jamana minnu na kosebe i n'a fo Zinbawe n'i ye makorobaw tila saba ye sida be tila kelen na i n'a fo san 2001 jatew y'a jira cogo min na. Peteri Pilotika fola, fosefawari miliyari 7000 de ka sorosidat walasa a be se ka ke Uganda ta noggona ye. Uganda kelen de be farafinna min sera ka bana yelemta kunben. Sida tun be mogokoroba minnu na, kemesarada la olu hake dogoyara ni 8,3 ye san 1999, ni 5 ye san 2002. Zanbi tun be se k'o noggona ke nka kemesarada la sida be mogokoroba 22,5 la noggona ke nka kemesarada. Nin ye sidato miliyon 40 ta minnu be dije kono, miliyon 28 be farafinna sahara woroduguyanfanfe. Ninkunnafoi bora Faransi kunnafonidisoba «AFP» yoro.

Badama Dukure

Sidako lajeba 14nan

Dije seleke naani lajeba 14nan min kuncera sidako kan Bariseloni dugu kono, Esipani jamana kan, o ye lahalaya min jira o ye k'a fo politiki baaraw ni wari ni doonin baaraw ma fosi bo sidakola. Sida ye mogomiliyon 20 faga; a be mogomiliyon 68 ni nof sanni san 2020 ka se.

Sefa miliyari 7000 min tun ka kan ka don sida kelerida fe, o warila sefawari miliyari 1470 doren de sorola.

Sinsinni kera wale min kan kabini sida lakodonna ninany'a san 21 ye, o ye sida furakeliko ye sentanjamana kono. Lajeba inkera kuma gansany'e. Furaw songo binna; kemesarada la dorebinna ni 90 ye. Nka farafin miliyon 10 minnu tun ka kan ka furakes, olu la mogomiliyon 30.000 doren de ye furaw sorosidat, i n'a fo «ONU» mogomiliyarenw y'a fo cogo min na. Farafinna denyererin 700.000 ni sida be wolo sabu fura minnu tun ka kan k'u kisi bana ma, olutebolola. Kabinisan 20, kemesarada la sidato 50 be sentanjamana kono. Sida ye mogomiliyon 40 minnu minne miliyon 28 be farafinna sahara woroduguyanfanfe. Kemesarada la wari min be sidato furakes dije kono, o 90 de be ke ka mogomiliyon 10 furakes kemesarada la.

Ajirala ko bolociko min fora sida kelerida la san 10 nataw kono, ko si ma sorosidat. Min ye kubenni siratige ko fanga beret te fugula nafamako la. Ka sorosidat don banakise in be mogomiliyon 15.000 minne, ka mogomiliyon 8000 faga.

Mogomiliyon 15000 tun be lajeba in kene kan o lajeba nata be ke Bangkok, Tayilandi jamana kan.

Badama Dukure.

Ameriki te wari di «FINUYAPU» ma tugun

Ameriki y'a jira k'a te wari di tugun, dije seleke naani jekulu ma min nesinnen don hadamadenw ma; sabu jekulu in be ka konojiye ni densorobaliya sankorota Siniwajamana kan. Siniwajamana kan denkelensoro wajibiyalen don. San 1985 Ameriki jamana y'a jira k'a te wari don tuguni konojiye ni densorobaliya sankorota da fe; k'a te jekulu deme minnu be ni baara ke. Wari ninnu tun be dibange kolosili kama ani kenyakow kama, olube bila «ISAYIDE» ka bolokan. O ye Ameriki ka ciyakeda kerenkrennen ye dije seleke naani yiriwali kama.

KIBARU BOKO 366 NAN ZULUYEKALO 2002

Folisen kura : Yapeke coco

Yapeke ye folisen kura ye, dosen kura fana don. A labenna Gawusu Kone fe san 2000 temen in na. Gawusu Kone y'a miiri k'a taasi, k'a hakilijagabo, ka folisen dilan min be se ka diya bi denmisenninw ye. U be se ka min don i n'a fo Kongokaw ka foliw ani tubabufoliw. Gawusu Kone y'a faamu ko Mali foliw lamenni ka di, nka u don man di. N'i taara denmisenninw ka jenaje yorow la, i b'u ye pankapuruti la jamana were foliw de la. Nka o te bi ye. Kabini yapeke bora, denmisew b'a don fan bee. Yapeke yere ye mun ye? Folisen kuradon, dosen kura don nka a bora Miyankawka «Nogon» dela. Nogonfoli de bayelemana ka ke Yapeke ye. I b'i jo k'a don. I b'i lamaga-lamaga i n'a fo bozoke b'a ka kurun boli la, i n'a fosenekelaw be ka daba sama.

Gawusu Kone te foli doren ke. Sansifeereyoro min be wele Mobili, a be baara ke yen fana. Folisira kan, a be bala fo, a be tubabungoni fo, a b'a yere ka foli laben a yere ye fana. A donna foliko la san 1994 k'a ta o ma fo bi, a ye kaseti saba bo.

Yusu Dunbiya
Mahamadu Konta

Sefawari miliyari 5,8 dira ko ka lakoliw jo

Jumadon zuluyekalo tile 26 san 2002, Mali ni Zapon y'u bolono bila benkansibon do la min wari benna sefawari miliyari 5 ani miliyari 800 ni koma Zapon ka lasigidensola Dakaru, Senegali jamana kan.

Wari in ka kan ka Mali goferenaman deme a ka baaraw la ka lakoliso kuraw jo. Seyidu Jakite n'o be Mali ka lasigidensola Dakari, ale ni Yositaka Lizawa, Zapon ka lasigidensola mogomiliyon 1500 tun be lajeba in kene kan o lajeba nata be ke Bangkok, Tayilandi jamana kan.

Nin nafolo caman in bena ke sababu yekalakoliso caman jo anika duguma lakoliw se Mali fan caman na.

Badama Dukure

BULONBA KURA DEPITEW

Jamana lamini ni sigidaw minisiri ye depite kalataw 2nan jaabi fölö di san 2002 utikalo tile fölö. Filiw yera Sikaso wotesében la; o bilara sariyasunba ka bolo kan fölö. Sariyasunba in b'a ni wote filanan jaabiw laje nogon fe. Sariyasunba de yamaruyalen don ka jaabiw labanw di. Sann'o ce Jema, Yelimane, Segu Duwanza, Nafunke, Gundamu, Buremu, Kidali, Abeyibara, Komini 4nan Bamako disitiriki kono, olu jaabi labanw ani kalata filanan jaabi fölö file :

KAYI MARA

JEMA

ADEMA

- 1 - Solomani KAMARA
- 2 - Yasa TARAWELE

YELEMANE

ADEMA-PARENA

- 1 - Kawuru DUKURE
- 2 - Mahamadu GASAMA

NORO DI SAHEL

ADEMA - UDD

- 1 - Mahamadu NJAYE
- 2 - Sidi JAWARA
- 3 - Shékina Hamala BACILI

KAYI

ADEMA

- 1 - Musa SISE
- 2 - Bakari JAWARA
- 3 - Dawuda TURE
- 4 - Mahamadu SISE
- 5 - Abuduli BA

KÉNEBA

INDEPENDAN

- 1 - Futanko SISOKO di Baba
- 2 - Serisely MAGASA

BAFULABE

ADEMA

- 1 - Mamadu JALO
- 2 - Fasirima DANBELE
- 3 - Modi SISOKO

KITA

ADEMA

- 1 - Baba Umaru BORE
- 2 - Bobo TUNKARA
- 3 - Ariseli Jan Morisi TARAWELE
- 4 - Namori DANBELE

KULUKORO MARA

KATI

ESIPUWARI 2002 :

ERIPEMU - SINIDI

- 1 - Umu TARAWELE

2 - Modibo KAMARA

- 3 - Siyaka Batuta BAGAYOGO
- 4 - Jibirili DIKO
- 5 - Ibrahima NJAYI
- 6 - Seku TURE
- 7 - Adama SAKO

KOLOKANI

ERIDIYA-BEDIYA

- 1 - Badara TARAWELE
- 2 - Séki Hamala KEYITA
- 3 - Seku KEYITA Sikoro

NARA

ADEMA

- 1 - Jénunda TARAWELE
- 2 - Saja SUMARE
- 3 - Makan DANCOKO

KANKABA

INDEPENDAN

- 1 - Yakuba MAKASUBA

KULUKORO

ERIPEMU - EMUPERI

- 1 - Isaka SIDIBE
- 2 - Kisima MAGANE

JOYILA

ERIPEMU

- 1 - Mamadu JARASUBA
- 2 - Mariyamu TOGOLA
- 3 - Bubakari BUWARE
- 4 - Isa DANBELE
- 5 - Sékina SIDIBE

BANANBA

INDEPANDA

- 1 - Amadawu SILA
- 2 - Mamadu Gawusu SINPARA

SIKASSO MARA

KUCALA

SADI

- 1 - Numuce SOGOBA
- 2 - Adama GOYITA
- 3 - Yakuba DAWO
- 4 - Kari KULUBALI

5 - Daramani Yinice KULUBALI

- 6 - Yakuba Kinsika BAGAYOGO

KONLONJEBA

SINIDI

- 1 - Umaru GOYITA
- 2 - Ibrahima KONE

KAJOLO

SINIDI

- 1 - Cémoço DANBELE
- 2 - Amadu Sibiri JARA

YANFOLILA

ADEMA

- 1 - Musa SANGARE
- 2 - Koriyan SIDIBE

BUGUNI

SEDESI

- 1 - Mamadu BAGAYOGO
- 2 - Zumana N'Fa SANGARE
- 3 - Mama DUNBIYA
- 4 - Seyidu TOGOLA

YOROSO

ADEMA

- 1 - Umaru MAYIGA
- 2 - Makan Do KONE

SEGU MARA

SEGU

ESIPUWARI 2002

SINIDI - ERIDETE - ERIPEMU

- 1 - Muntaka TALI
- 2 - Amadu Ali NANGADU
- 3 - Saran SANGARE
- 4 - Madani TARAWELE
- 5 - Abi DUKURE
- 6 - Karoga JAWARA
- 7 - Jara TARAWELE

BARAWULI

ESIPUWARI 2002 : ERIPEMU -

SINIDI

- 1 - Samu SANGARE
- 2 - Musa di Sajo TARAWELE

3 - Sheki Amadu Tijani NIMAGA

**NONU
ERIPEMU**

1 - Bubakari TURE
2 - Amadu Bakari KULUBALI
3 - Bubakari di Nolo TANGARA

**MASINA
ADEMA**

1 - Usumani JENTA
2 - Lasana SIDIBE

**SAN
ADEMA-UEFIDEPE**

1 - Yusufu TARAWELE
2 - Mamadu TERA
3 - Alima TARAWELE
4 - Seyidu KONATE

**BILA
BEDIYA-SINIDI- EMUPERI**

1 - Mamru BUWARE
2 - Yaya HAYIDARA
3 - Aliu TARAWELE

**TOMINAN
ADEMA**

1 - Tulema UNDE
2 - Anji Mari DAKUWO
3 - Nakan DABO

MOTI MARA

**DUWANZAN
ADEMA**

1 - Musutafa DIKO
2 - Ali Nuhun JALO

MOTI

ERIDIYA - ERENIDE

1 - Ali MAYIGA
2 - Ibrahima TINBELI
3 - Kasumu TAPO

**BANJAGARA
ADEMA**

1 - Naga TENBELI
2 - Musa MENTA
3 - Sanede YELIKUYE

**YUWARU
PEDERI**

1 - Mahamani JARA

KORO

ADEMA

1 - Isa TOGO

2 - Mahamadu TOLO
3 - Mahamaduni GORO
4 - Amadu DAMA

**JENE
ADEMA**

1 - Mahamani SANTARA
2 - Abibu SOFARA

**BANKASI
ADEMA**

1 - Amidu KONATE
2 - Burema GINDO
3 - Amadu YARO

**TENEKU
ERIPEMU**

1 - Ulematu TANBURA
2 - Adi JIGANDE

TUMUTU MARA

NANFINKE

ARAMATI

1 - Agisa DIKO
2 - Maju Hama MAYIGA

GUNDAMU

ADEMA

1 - Mohamedi Eli Mawuludi Agi
HAMADA
2 - Umaru Abdulayi TURE

TUMUTU

ADEMA

1 - Abdulayi Kalili ASIKOFARE

GURUMA ARARUSI

ADEMA

1 - Mohamedi Agi Udi di ATA

DIRE

INDEPENDAN

1 - Amadu Baba TARAWELE

GAWO MARA

BUREMU

BEDIYA-ESIPUWARI 2002

1 - Mohamedi Uludi MATALI
2 - Mahamati di Denba Adolofu
JALO

GAWU

ADEMA

1 - Aribonkana Bubeyi MAYIGA
2 - Asaridi Agi IBARIKAWANI
3 - Abuzeysi Usumani MAYIGA

ANSONGO

ADEMA

1 - Mohamedi Agi MUUSA
2 - Alidu BOZOYI

MENAKA

ADEMA

1 - Balan Agi HAMATU

KIDALI MARA

TESALITI

ADEMA

1 - Hamisata Agi UDADA

KIDALI

ADEMA

1 - Agi Intala ALIGABASI

ABEYIBARA

ADEMA

1 - Ibiya Agi SIDI

BAMAKO DISITIRIKI

KOMINI FOLO

ERIPEMU

1 - Bubu KOYITA
2 - Jenebu JARA

KOMINI 2nan

ERIPEMU - EMUPERI

1 - Madamu SANGARE Umu BA
2 - Mamadu Lamini HAYIDARA
3 - Madamu DIKO Jeneba SISE

KOMINI 3nan

ERIPEMU

1 - Burehima BOBOTE

KOMINI 4nan

ERIPEMU

1 - Ibrahima Bubakari KEYITA
2 - Umaru KANUTE

KOMINI 5nan

ERIPEMU-SINIDI

1 - Kadari BANBA
2 - Bakoni BALO
3 - Fanta Macini JARA

KOMINI 6nan

ERIPEMU-SJNIDI

1 - Mme TURE Kani SANGARE
2 - Haruna KEYITA
3 - Denba TARAWELE

*Depite kalataw kunnafoni tow kbe
sorɔ utikalo nimoro koso.*

Mali ye san tan ni kō sōro jemufanga la

Kabini san 1999
fo ka se san
2002 ma, Mali
m a r a l a
jemufanga fe.



K'a ta san 1968
nowanburukalo
la fōka na se san
1991 marisikalo *Dirisa Bakari Jara*
ma, o kera diyagoya fanaga ye.
Jamanaden fanba ni töorlent tun don.
U ye fiñe caman sōro mara cogoya la.
Jamanadenw haminanko kera
jemufanga ye. Jāma mana bēn fēn o
fēn kan k'a b'o ke, fosi te se k'o bali.
Nka mōgo bē se k'a fo k'a ma diya de!
Ka d'a kan joliw bona, mōgo caman
kera ljuratōw ye; mōgo caman fatura.
Nin bēe kuntun ye haminanko caman
ye. Jāmanadenw sēgenna, u nānina,
u töorla; ko jamana bē kā jigin dingē
kōo, o n'a nōgōnna camna wērew.
Nin don marisikalo tile 26, san 1991,
diyagoya fangatigi Musa Tārāwele ka
fanga binna. Furancēfanga dō nana
sigi min nēmōgoya tun bē Amadu
Tumani TURE bolo. O fanga ye kalo
tan ni naani ke, minnu kera Mali
jemufanga damine ye.
Furancēfanga in ye baara dōw ke i
n'a fo kalansojow, ka baarakelaw ka
sara k'a waati la; ka kuma di jama ma
ani fēn caman wērew. U ye fēn
belebeleba min fana ke, o ye kalafiliw
labenni ye, i n'a fo «ereferandōmu»
ani jamanatigisigi. O kalafiliw kelen
Alifa Umaru Konare ye fanga sōro.
Amadu Tumani Ture ye fanga latēme
Alifa ma zuwenkalo tile 8, san 1992.
Ale fana ye san 10 ke fanga la. San
tan in kōo u ye fēn caman ke, nka
caman fana ma nē.

Min ye kalankow ye, olu donna
halama na. Kalandenw ma kalan
lakika sōro. U ka faamuyali dōgoyara
kojugu. Mali kalan nagasira. Mōgo bē
se k'a fo yēre ko kalan banna. Kalo
kōonton kōo min bē ke kēne ma o tē
ke kalanso kōo. Kalandenw bōra ni
seereyasēben min ye, o kera

sēbenfura gansan ye, bawo seereya
ninnu dōnniya dōgoyara kalandenw
bolo, i n'a fo «sepētigiw», «dēfutigiw»
ani «bakitigiw». Caman y'a sōro ka
sor'a dōnniya t'u la. Karamōgōdēsē
kera kalanso caman na; kalandenw
cayara kalansow ma.

Min ye sariyako ye, o fana taabolo
ma nē halidōonin. Sariya camantinēli
bilala bolokōfē; caman fana tiger'a
nejugu kan. Mōgo minnu tun bē
«ADEMA» la, olu tun b'u sago ke. U
te fanga bonya, min ka d'uye ub'o ke.
Sariya tun te tige utigēcogo la. N'i tun
te «ADEMA» la i ka jo bē k'i jalaki ye,
sariya bēe tigeli kera fankelenma ye.
Komini dōw bē yen. «ADEMA» ye
fanga sōro minnu na, olu ma se ka
baara ke k'a sababu ke «ADEMA»
mōgo ka sariyabatobaliya ye. U y'u
sago n'u dungō ke sariyasōro kōo fēn
ma "ba la, fēn ma k'u la".

Min ye fangaseginso ye, Mali fanga
sabanan nana n'o ye. Kominiw sigira
sen kan ka fanga seginso.

Nka a ko nana ni hēre ye dugu dōw
la, a nana ni fēn caman wērew ye
dugu dōw kōo, farafarali, sigifara,
dugubila, gafara, olu n'u nōgōnna
wērew. Min ye sirabako ye manaji
bonna siraba caman kan; duguba
caman lasōrōlō nōgōyara. Nēgejurisira
carinna fangamanfe. Arajosocayara
kōebē. Kunafonisēbenw fana
cayara. Baarakelaw fana bē sara
waati la.

Min ye sēnko ye, mōgo bē se k'a fo
k'onagasira sira caman fe. Balo sōngō
cayara. balokogelēya fanga bonyana
kojugu, cikēminēnw sōngōw gēleyara,
nōgō sōngō kērebēte. Koɔriko min ye
baloko nagasi, o fana te ka don da la.
Koɔri te ce joona, kuma te koɔri wari
sarali ma. San o san koɔri wari te sōro
fo koɔrisun kura ka ye.

An b'a nini Mali jamanatigi kura fe a
ka fanga kōoka siraw latilen; n'o kera
jemufanga nafa bē se malidenw ma.

*Dirisa Bakari Jara
Diyo-Buwatubugu.*

Kalataw

Ne hakili la mōgo 24 tun bē
jamanakuntigiya nōfē; o cayara mōgo 4
tun wasara, bawo an ka jamana ye
faantanjamana ye.

Sanni politikimōgōw k'a ke motosan ni
tirikosan ni balo ni kogo ni sukarow dili
ye mōgōw ma, k'u ka wote u ye, u k'olu
ke ka baaradaw dayelē, i n'a fo iziniw
n'u nōgōnna caman; o de ka fisa jama
ma ka temēninkan, sabu miliyon yirikaw
bē don nin dafé i ko tasuma sisi.
Nēmōgoyanini ye tīne ye, nk'a ma fo ko
jamanaden bēe lajelen ka nēmōgoya
nini.

Hamadi Aturu Boli
Danbanna, Kita

Amadu Tumani TURE k'a jija



Peresidan Amadu
Tumani TURE
sigili kera
nisōndiyaba ye
Mali fan bēe fe. An
bē dugawu ke Ala
ka hēre ke jamana
nēmōgō ye. An bē
min d'o kan a k'a
hakili to baloko la,
sabu kōngō bē
jamana o jamana kōo mankan ni
benbaliya te ban yen.

Kōngō bē hadamaden danbe bana.
Kuma filanan ye kalanko ye. San 12
temēnen kōo kalan ma ke Mali kōo, o
tuma Amadu Tumani TURE k'a jija
walasa nē bē se ka sōro kalanko la
cogoya min na.

N'a sera ka nin koba fila nēnabo, hali
n'a k'a bē san tan ke fanga la, a bē se
k'o ke, w'an b'a dēme o la.

Yaya Mariko
Kalabankoro-Kati

Fineba

Taratadon awririlikalo tile 30 lahazara
waati la fineba bilenba do wulila kōrōnfē
ne ma deli kā min nōgōnna ye folō.

Fine wulila ka sōro san ma fin, san fana
ma na. A fine bilenba ye gaw ni njōw
walaka anifēn caman wēre minnu bē te
se ka fo.

Zan Kulubali
Ceseribugu Falajé Katí.

Ka bɔ Npiyenina

Madamu Danbele Zakilini Goyita, ni kenyereye jekulu Muso Danbè nəmogo don, o ye tile fila taama ke Npiyenina məkalo tile 25 n'a tile 26. Npiyenina ni Bila cə ye kilometre 20 ye, a məgo ye məgo 7000 ye. Taama in kun tun N P i y e n i n a k a w lədənniya baaraden musomanw ka baara **Mami Jara** geleyaw la ani ka kunnafoni d'u ma denmisew ka hakew sariya kan ani tineni minnu bə denmisenninw ka baaraw la minnu si ma san 14 bo. Usedon sufela la taamanaw ye ja dəw bə denmisenninw feereliko kan anj sidabana. Dugujsen Madamu Danbele ye nəgənlajere də ke k'a ka baarada ka lajinitaw nəfə, an'a yere bə baara minnu ke. Dugumogow ye kuma ta ka baarada in fo kosebe a ka baaraden lədon na. Minnu ye kuma ta baaraden kərəw tun b'olu la. U y'a jira k'u bə baaradenw ka baara geleyaw kalamia, konka faantanya de bə ke sababu ye k'u lase Bamako. Sanni a ka bɔ Npiyenina Madamu Danbele ye donbolo caman ke dugumogow ye in'a fə sefawari wa tan ni fila ani kəgobore saba ani sira minta ni woro.

Mami Jara Npiyenina Bila Segu

Ka bɔ Diwo-Kodiwari

Ne b'a nini Mali jamanakuntigi kura fə a kana nines kəkan malidenw kə. N'i y'a jatēmine, kəkan malidenw niyəroba de bə jamana joli la.

O kofe ne bə də fə balikukulan nafa kan dəcənin. Ne bə bɔ

Musa Numukeba Kulubali Murugula, Sirakoro, Kita serikili la. Balikukulan ye yələmaba don Murugula nafasərəsiraw la. Məgədəgötəro, musidəsötəro, anı duguyuruwatən bə yen a meena. Ka soro koorisənə ma damine an tun bə an ka tigaw feere an yere ye ani an ni dugu minnu bə dan bo, i n'a fo Bərəkəne, Nafan, Kətədo, Kədumanni, Narənba, anı Jəgila.

Musa Numukeba Kulubali
BP 300 Diwo-Kodiwari

Sexangan ye peresidan kura soro

San 2002, zuwənkalo tile 29, ka bən sibiridonya ma, Koloneli Ongoyiba ye o sindiga Sexangan təndenw ka wele jaabi, Nənə Ofisi tənsigisoba kənə. Baaraw daminenə nəge kanje 10 waati la, k'u kuncə kanje 11 ni tila la.

Ala ka hine Sori Kulubali la, o faatulen, məkalo tile 25, san 2001 na, tən in kalifara nəmogo dankan ma, n'o ye Yakuba Ture ye.

Foliw bannen kə, təndenw y'u hakili jagabo. K'a ta komitew la, fo ka n'a bila Sekisənna, bəs benna a kan, ko məgo min bə se ka bila Sori nənabila, k'o ye Koloneli Isa Ongoyiba ye. K'a sababu ke a ye Ofisi di Nizeri nəməgoya ke ka təmə, san caman kənə. Wa minen ma jəngə a bolo, jango k'a kənəfən bən. O kelen, Sexangan təndenw y'a nini a fə a ka jə u jigi kərə. Nəge kanje 10 coyi, Yakuba Ture ye Koloneli Isa Ongoyiba bisimila. O bannen kə, a ye jama bəs fo : Kolongotomo Sekisən, Nənə, NDebugu, Molodo, Kurumari, ka fara Isa Ongoyiba kanu nəgənən n'a baarakən nəgənən kan. O kofe, Yakuba Ture ye tən nəməgəjekulu Sekeretəri Zenerali yamaruya, Fajeri Boli, a k'a da donton kibaruyawla, jama ye. Fajeri ye kuma ta ni bonya ni nisəndiyə ye, ka jama fo. A ko : «Tən ye san 5 soro. Təndenw ye məgo 10.901 ye. Komite ye 187 ye. Sekisən ye 5 ye. O təmənen kə, jənəgən bə an na Mali kənə an'a kəkan : Awopepe, Sənəkəlaw ka tən don, Sikofu Səmudete. Akisi ni

Nəgəfinko

Samiye jifoləsoro la san 2002 zuwənkalo tile 15. Ka t'o don na fəbi anw ma geleyaw soro jiko la. Anw bə yərə min na dənni bə nini ka ban anw fə yan Sangarebugu. Məgo dəw yere ka dənni banna. Dəw ka sənə fələ nəgəyara.

Nka fən min hamib'anna oye səmudete

Sipaki ka bɔ Faransi».

Fajeri Boli y'a ka kuma kuncə ni foli ye ka nəsin Koloneli Isa Ongoyiba ma, k'a sababu ke tən ka wele jaabi ye. Nin bəs kofe, Koloneli ye kuma ta ka jama fo. A ko : «Cidenw selen n'ma ni cikan ye, n'siranna. Nka n ye miiri; ni məgo w'ko an b'i fə, n'i ye hərən ye, i man kan ka ban, jango cikəlajama. O tuma na, n be min fo k'a geleya, bəs k'i cesiri i ta fan. O təmənen kə, ko minnu kəra ka təmə, məgo te se k'o segin kebaliya la, nka bənkənəbən min bə cikəlaw ni Ofisi cə, aw ka nafa bə soro o la cogo min na, fərəw ka kan ka nini o dela. O təmənen kə, degun min bə kələnw kan bi, nənan samiye donda in na, halisa, angerəko ma se ka nənabə, o ma nə. N'i y'a lajə, kabini, san 1934 Ofisi sigira tubabuw fə, halisa o baaraw ma se ka sabati a nəma, k'a soro dijə bəs nə bə a la. Ne te n ka kuma janya ka təmə nin kan, aw bə ne dən, ne bə aw dən fana, wa məgo wərew bə n dən. Aw ni ce».

O kelen, kuma dira nabagaw ma i n'a fo Lamini Fane (Kolongo), Sedu Jalo (Sokuranin Kurumari), Barima Jara (Surukutu K 18) Kurumari) ani məgəba caman wəre. U da sera Ofisi geleyaw ma sənəkəlaw kan.

Perisidan Isa Ongoyiba ye kumaw kuncə ni foli ye. Jama wulila ni jigifa, nagari ani tare-tare ye.

**Ibarayima Jara Animateri Surukutu
K 18 Dogofiri Jabali**

ka nəgəfinko ye sabu anw ka nəgəfin ma soro fələ ka soro kəori dəw nəgədən tuma sera ka ban. O tuma ni səmudete m'a lajə ka sənəkəlaw ka nəgəd'um a bə ke magosa ye. Ala k'an kis'o ma.

**San 2002 zuwənkalo tile 7
Lamini Tunkara Sangarebugu
Sebekəro Kita.**

Ne bə min fə Depitew ye

Depite kura ninnu sigilen file nin ye, ne b'a, n'in, u fe u kan'uta ke waridun dama ye. U k'u hakilito sənəkəlaw la anı baloko la. Kuma caman fəra, nk'a si ma ke tijə ye; a bəs ye warijinikan ye; a si te tijə ye. N'i y'a ye nbe nin fə, anw

ka mara la, ka ta Falajə, Negela fo Kati depite ma sigi yen ko min ye mago nə anw ye. Ayi, o ma ke fələ, a bə te se ka fə; a ka ca.

**Zan Kulubali
Ceserebugu-Falajə Komini Kati**

Samatasəgəw karamojo kura ni kunnafonidilaw ka kumanəgonya

Tijə yere la kunnafonidilaw ma karamojo in to a dabolokan. »I ka nali ye məgəw kamanagan sabu i ma deli ka baara ke farafinna folo.

Ebe seka ke samatasəgəw karamojo ye wa?»

«Malila ntolatankanubagaw ka ko ke gelən; e be se k'u kunben wa, e min ma deli ka jamana ntolatannaw karamojo ya ke fəlo?» Ninnu ye jininkaliw ye minnu kera Kirisitiyan Dalize Samatasəgəw dege karamojo kura la.

Jininkaliw balala karamojo kura in na nk'u ma farifaga. «Fen bəe be damine kelen na. Ne tun təna na Mali la n'o y'a soro ne tun te se ka fen ke samatasəgəw ye». Kirisitiyan Dalize y'a jira ko bəe y'a damine kelen na. Ko ntolatan ye dijə bəe ta ye. Kirisitiyan Dalize ye san 36 de ke ntolatankene kan; san 18 ntolatan na; san 18 karamojo ya la.

A taara yəro o yəro la (Monako, Marikigeri ani Tulon) mankan cayara la. «O de ka di ne yere ye, hali n'a be ke don o don» i n'a fo Dalize yere y'a fəcogominna. «Samatasəgəw degeli ka di n ye kosebe; a be n hakili jigin denmisənya la. Nye min ke ka temen, o be n deme. Kirisitiyan ye nin fo ka to Mali ntolatankulu məgəw ce la, un'u ka jeməgo Tijani Jənbele.

A y'a jira ko ntolatan ye jeməje de ye. K'ale sugandira, o diyar'a ye; ko t'o b'ale yere bolo sa. A ko, ntolatanna jumanw be Mali bolo; k'u ka «ekipu» fana ka ni kosebe; k'u ye min ke «Kanni 2002» k'o jena. Ko məgo be se ka d'u la.

Hanri Kasiperiyaki ye ntolatanna minnu tə, Dalize təna yələmaba don olu la. Wele be bila jamana kəkan ntolatannaw ma, nka kəməsarada la o təna ke məgo kəmə ye i n'a fo karamojo kura y'a jira cogo min na. Min jinen don

i n'a fo samatasəgəw ka jeməgo y'a fo cogo min, o ye Mali ka ye «Kani 2004» kəne kanani «KUPU DI MONDI



Kirisitiyan Dalize

2006». Kirisitiyan y'a bolono bila san

fila seben de la; nka də bə se ka far'a kuntaala kan ka se KUPU DI MONDI 2006 ma, ni samatasəgəw yera «Tunizi 2004» kəne kan. Karamojo in ka sara ye sefawari miliyon 5 ye. Soni mobili t'o la. Mamadu Kulubai be k'a filanan ye.

Kirisitiyan Dalize ka kan ka segin ka taa Faransi, ka taa labən anika kəkan ntolatannaw kumanəgonya k'a sababu ke degeli ye min ka kan ka ke utikalo la san 2002 Bamako yan. Kəkan ntolatannaw bəe welelen don degeli kəne kan; uni «ekipu» wərew ka kan ka ben, nk'o ekipu ma sugandi fəlo. Karamojo in y'a jira ko Zinbawe ye ekipu gelənba ye Sumayila Kulubali n'a tənəgonya ka kan ka min kunben. A ko n'a nana ka bo Faransi u bəna labənw ke sanni Harare taali ce.

Solomani Bobo Tunkara
Badama Dukure

Kore ni Zapən y'u ka jatew bə

Nin «KUPU DI MONDI» 17nan geləyara ntolatan kanubagaw bolo k'a sababu ke dinəlatige geləya ani jənəkunbenw pilasiw geləya ye. Nk'a geləyara kosebe jabaranin tigiv bolo, sabu olu ye min bo o cayara sijə 10 ka temen san 1998 ta kan. Jabaraninw ka kankahake minnu sara dijə lamini ntolatantən «FIFA» ye, obəna «ERO» miliyon 877 ma; o be ben sefawari miliyari 600 ma i n'a fo «FIFA» peresidan cəwisi Zozəfu Biləteri y'a fo cogo min na.

«FIFA» tun ye san 2002 ni san 2006 ntolatanw bəli feere alimanw ka «Kirishi» ma ERO miliyari 2,6; o be ben sefawari miliyari 1705 ma. San 1998 «FIFA» tun ye hake minnu soro, olu bənnə ERO miliyari 30 ma (sefawari miliyari 60). Ntolatan kanubaga miliyari 37 tun ye Faransi kupu di məndi laje.

N'a be wari caman ladon, kupu di məndi labənw fana be waricaman bo. Kore ni Zapən jeli min kera ka Kupu labən o kera musaka caman ye.

Ntolanyəro kura tan minnu labənna Kore, olu jəra ERO miliyari fila (sefawari miliyari 1321). Zapən, ntolatanyəro 7 labənna yen. Saporata kelen bənnə ERO milion 500 ma (sefawari miliyari 328).

Zapənkaw ben'u taw yələma ka ke «bisiboli» ke yəro ye, o min ka di zapənkaw ye kosebe. Məgəw b'u yere jininkə Kore ben'a ta ke cogo min na. Məgo tun ma miiri ko jama bəna bo jamana fila ninnu kənə ntolatan fileli kama; məgo 2.636.168 bəra ka ntolatan ninnu file. O be ben ntolatan kelen məgo 39.500 Korekaw fə yen; məgo 44.181 zapənkaw fə yen. Jamana fila ta be ben ntolatan kelen məgo 41.844 ma. Faransita tun bənnə məgo 43.517 ma.

Ntolatan intəmennen kobəna geləya. Misali la walasa Yokohama ntolatanyəro kana tijə, san o san dolariwari miliyon 4,4 ka kankakadon a da fə (sefawari miliyari 3). Nin kunnafoni bəra Lesori kənə

Badama Dukure

Dijes ntolatanba nanan (KUPUDIMONDI)



Oronalido

San 2002 in na, ntolatanba kera Zapon ani Kore. Zapōn ani Kore jamana ntolacila nana bēe tun bē kēnē kan. A kuncera ni Berezili ka se ye Alimanw kan 2 ni 0. Berezili ye Kupu ta. O bōlen kō yen, dijē ntolatannabaw latōmōna, ka kunkorotafan d'u ma, k'u ladiya. Alimanw ka jōkōlōsila yentōla sanuma sōrō. A tōgo Oliwēri Kani. Ale de kera sababu ye Alimanw ka joyōrō filanān sōrō. A siñē fōlo ye nin ye, jōkōlōsila ka wūli k'i jo ni nin wālaba in ye. Oliwēri Kani bē san 33 la. Ntolatantōba min bē wele Miniki Bayérini, o jōkōlōsilaw don. Ntola warijelama dira Oronalido ma. O ye Berezili nānamineñjana ye. Dijē ntolatanba min kera Faransi, ale de y'o ntola sanuma sōrō. Korekaw ka Hōngu Nyungu Bo ta kera ntola nsiralamā ye.

Berezilikaw la Iriwalidokera naaninan ye.

Ntolatan konenabō tōnba (FIFA), ye sugandili ke mōgo tan minnu cē la, walasa k'a dōn min ka kan ni ntola sanuma ye, olu tōgo file nin ye :

- 1 - Oliwēri Kani, (Alimanj)
- 2 - Oronalido, (Berezili)
- 3 - Hōnku Myungu Bo, (Kore)
- 4 - Iriwalido, (Berezili)
- 5 - Oronalidino, (Berezili)
- 6 - Hasani Sasi, (Turuki)
- 7 - Elihaji Jufu, (Senegali)
- 8 - Oroberito Karilōsi, (Berezili)
- 9 - Mikayeli Balaki (Alimanj)
- 10 - Fernando Yero, (Español)

Ntolatanna minnu delila ka ntola sanuma sōrō ka temé, olu tōgo file nin ye :

San 1982 Pawolo Orosi (Itali)
1986 Jego Maradona, (Arizantini)

1990 Salivatōri Cilaci (Itali)
1994 Oronalido (Berezili)
1998 Oronalido (Berezili)

- Ntolatanna min sen ka di jo yarali la ni bēe ye, o kera Oronalido ye.

- Cō kolōsibaga min bē se ni bēe, o kera Oliwēri ani ye, ka cō Alimanjamana kan.

- Jamana min ka ntolatansēn cē nēna ni bēe ta ye, o kera Bēliziki ye.

O kōfē, FIFA y'a yērē tōgōla ntolatannaw sugandi, olu bē jate i ko dijē bēe ka ntolacitōn mōgōw.

- Jōkōlōsilaw Oliwēri Kani (Alimanj)
- Urusitu (Turuki)

- Kōfēmōgōw :

- Orobēniko karilōsi (Berezili)
- Soli Kanbeli (Langilejamana)
- Hōnki Myunki-Bo (Kore)
- ALipeyi (Turuki)
- Yero (Español)

- Cēmance mōgōw :

Iriwolido (Berezili)
Oronalido (Berezili)
Mikayeli Balaki (Alimanj)
Yoo Sangisuli (Kore)

- Nekunw :

Oronalido (Beresili)
Elihaji Jufu (Senegali)
Hasani Sasi (Turuki)
Mirosilawi Kilozi (Alimanj)

Mohamedi Konta



Elihaji Jufu

Tulon

Nin desen fila dilanga y'a dab'a kama ka fili 10 k'ula. A'y'olu pini.



jāabi


Ntolatan Kupuba kibaruyaw

An ne be ntolatan Kupuba min na sisan, o ye Italika do de bolono ye. A togo Gazaniga SILIWO. Kupu in kundama ye santimetere 36 ye. A girinya ye kilo 4 ni garamu 970 ye. A dilannendonsanuna, ka fara cœnindo dëse, k'o ke a sigilan ye: Fo ka taa se san 2038 san naani o san naani ma, jamana o jamana mana dijé bëe dan ntolatan na, o togo be seben Kupu in kan. Jamana minnu y'a ta ka koro, a togo be seben olu kerefe.

Mogo 33 de tun y'u kanbo Kupu in dilanni kanma, nka baara dira Gazaniga de ma. Adilanna ni hakilina min ye, a y'o nefs : «Kupu in monen don, ka yelen. A tiiriw be munumunu ka yelen o cogo kelen na, k'a sanfela fere, dijé ka se ka sigi a koro».

Kupu in ye (FIFA) de ta ye, dijé ntolatan konenabo tonba. Ni jamana min y'a tan a be to o bolo san naani, fo ka taa se ntolatanba were ma.

Kupu fofofol dilanna kabini san 1930; o tun ye Faransika do bolono ye. O laban kera Berezilikaw halala ye san 1970, ka d'a kan, u sera k'a ta siñe saba. Kupufoloin ye kocaman ye a ne na. Alimankel filanan waatiw la, a dogolen tun be (FIFA) nemogodankan ka dalanjukoro. Kele bannen, ntolatan daminen. San 1966, a sonjena Londuru, Angilew fe yen a yera o la. Wuludennin do taara a wogobe jirisun do jukoro, don do la. O temenen ko, a sonjena Riki Berezili jaman kono, a ma ye bilen. O kelen min ke, u y'a



nogonna do dilan k'o bila a nona, u fe yen.

Mahamadu Konta

Balontan

Mamutu KOYITA ye nininkali nafama do ke ka bo Komine, n'o be Joro mara la, Segu. A k'a b'a fe k'a don dijé seleke naani na, balontanna min ka sara ka ca ni bëe ta ye». «KIBARU» be Mamutu Koyita ladonniya ko Faransi ntolacila nana Zinedini ZIDANI dörön de sara ye sefawari miliyari 9 ni miliyon 825 ye san kono. Ale de sara ka ca ni balontanna tow bëe sara ye.

Nka farikolojenajelaw bëe cëma, mobilobilila Mikayeli SHUMARERI de be bëe ne soro la, bawo ale ka soro ye sefawari miliyari 41 ni miliyon 920 ye.

Zidani b'a jenogon Ceri HANRI ne min ka san soro ye sefawari miliyari 3 ni miliyon 733 ye. A ka jan farafin balontanna Jibirili SISE la i ko jegejalon ni baji, bawo o ka kalosara te teme sefawari miliyon 49 ni ko kan.

Basiriki TURE

San 2002 Kupudimondi

gurupuw sigicogo file

- A : Faransi, Senegali, Irigeyi, Danimariki
- B : Esipani, Siloweni, Parageyi, Afiriki Di Sidi
- C : Berezili, Tiriki, Sini, Kositarika
- D : Kore Di Sidi, Poloni, Ameriki, Pöritigali
- E : Alimani, Sawudiya, Irlandi, Kameruni
- F : Arizantini, Nizeriya, Angeleteri, Siwedi
- G : Itali, Ekatéri, Korowasi, Mekisiki
- H : Zapón, Beliziki, Risi, Tinizi

Jamana minnu ye KUPUDIMONDI ta

Irigeyi : San 1930 ni 1950
Itali : San 1934, 1938 ni san 1982
Alimani : San 1954, 1978 ni san 1990
Arizantini : San 1972 ni san 1986
Angileteri : San 1966
Berezili San 1958 Siwedi jamana kan, san 1962 Shili jamana kan, san 1970. Mekisiki jamana kan, san 1994 Ameriki jamana kan, san 2002 Zapón jamana kan.
Faransi : San 1998.

